



Kommunit oqaloqateqatigalugit inuit napparsimanermik pissuteqartumik suliffissarsiutinut ikiorsiissutinik qinnuteqartut qanoq pitsaanerpaamik aalajangiinissap tungaanut aningaasartuutiminnik akissaqarnissaannut sullinneqarnissaannik qulakkeerinninnissamut Naalakkersuisut peqquneqarnissaannik Inatsisartut aalajangiiffsassatut siunnersuut.

(Inatsisartunut ilaasortaq Doris J. Jensen, Siumut)

(Siullermeerneqarnera)

Qujanaq Doris J. Jensen siunnersuummut.

Nappaatip tamatta eqqorsinnaavaatigut, pingaartuuvorlu, napparsimasoq taassumalu qanigisai taama inissisimanerminni sapinngisaq tamaat eqqissisimallutillu toqqissisimanissaaq. Taamatut inissisimanermi uippakajaarnartuuvooq annertoq aningaasatigut inissisimaneq. Qanoq ilillunga illumut akiliutissannut akissaqassaanga? Meeqqakkami nerisassaqaqtissavakka?

Tassani Demokraatit isumaqarput pisortat suliassarigaat qulakkiissallugu, innuttaasup napparsimasup tamakku annilaangassutigissanngikkai. Siunnersuuteqartulli eqqaasaatut, ilaanneriarluni suliaq sivisuallaammik suliarineqartarpoq, tamannalu akuerineqarsinnaanani. Tamanna tunngavigalugu immaqa pitsaassagaluarpoq qulakkiissallugu, kommuninut oqaloqatigiissutigigaanni, qanoq pitsaanerpaamik aaqqinneqarsinnaanersoq, innuttaasup napparsimasup napparsimanermi aningaasatigut toqqissisimanissaa.

Naalakkersuisut siunnersuut itigartinneqartussatut innersuussutigisimavaa tunuliaqutaralugu, Naalakkersuisut naatsorsuutigigaat, inissisimanerit allaaserineqartut pissanngitsut, naatsorsuutigineqarmat, aaqqissuussaaneq ingerlalluartoq.

Tassani Demokraatiniit oqaannartariaqarpugut, neriututigigatsigu, Naalakkersuisut ilumoortut. Neriutigaarputtaaq, aaqqissuussaaneq ingerlalluartoq innuttaasullu arlaannaalluunniit aaqqissuussaaneq taama kukkunernik assigisaannillu aqusaagaqartinneqassanngitsut. Tamattali nalunngilarput, aaqqissuussaaneq ingerlalluaannartanngitsoq pisoqartartorlu, suliat suliarineri sivisuallaamik ingerlasarlutik innuttaasumut napparsimasumut ernumanermik malitseqartumik.

Tamanna tunngavigalugu pissusissamisoortutut isigaarput, kommuninut oqaloqatigiissutit aallartinneqassasoq, qanoq iliortoqarsinnaanersoq qulakkeerniarlugu, innuttaasut napparsimasut tamarmik ataqqineqarlutik sullinneqarnissaat.

Siunnersuut taakkuninnga oqaaseqaatitalerlugu Ilaqtariinnermut- aamma Peqqissutimut ataatsimiititaliami suliareqqitassanngorlugu innersuussutigineqarpoq..



DEMOKRAATIT
DEMOKRATERNE